

Gvangjsih Minzcuz Bau

广西民族报 ganhhau: CN45-0036 B.2021 Nd.2 Ng.3 liggaeuq gengcej nienz ndwenlab ngeihngeih

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzcuz Bause
Geizsoq: Gungh daih 3460 geiz
Geiz neix 8 banj

Siz Ginbingz Youq Mwh Cunghyangh Cwngeigiz Daih Ngeihcib Caet Baez Cizdij Hagsib Giengzdiuh

Naemj Doh, Dawzcinj, Hengz Caez Aen Hwngfat Leixniemh Moq

Bauj Guek Raeuz Hainduj Hwnjdin Laeb Aenbuenz "Cibsei q Haj" Ndae j Ndei

1 nyied 28 hauh lajbyongh-ngoenz, Cunghgung Cunghyangh Cwngeigiz guh daih ngeihcib caet baez cizdij hagsib, lwnhyaeng gij hongsaeh daeuz gvendaengz hainduj ndei hwnjdin ndei guh hongsaeh "cibsei q haj". Cunghgung Cunghyangh cungsuhi Siz Ginbingz youq mwh guhdaez ndabaiz hagsib giengzdiuh gijneix, aen hwngfat leixniemh moq dwg aen lijun dihi baenz hidungj ndeu, de lwnh raeuz vihmaz hwngfat, rengzdoengh hwngfat, roenloh hwngfat daengj, gangj cingcuj gij saeh cwngei hungdaez

gvendaengz hwngfat aeu dawz gijmaz cwngei lizcangz, gyaciz vihyiengq, vungsik hwngfat, roenloh hwngfat daengj. Daengx aendangj itdingh naemj doh, dawzcinj, hengz caez aen hwngfat leixniemh moq, bauj guek raeuz hainduj hwnjdin laeb aenbuenz "cibsei q haj" ndae j ndei. Baez Cunghyangh Cwngeigiz Cizdij Hagsib neix, youz Cunghyangh Cwngeigiz dungzci gaghag caemhcai q doxgyau guhhong gvaqlaeng rox gijmaz, Liuz Hoz, Sunh Cunhlanz, Huz Cunhvaz, Cai Giz dungzci giethab gij hong gyoengqde guenj de

gangjvah, daihgya doxgyau. Siz Ginbingz youq mwh guhdaez ndabaiz hagsib de gangjvah. De vixok, bineix dwg bi hainduj laeb aenbuenz "cibsei q haj", hix dwg bi dangj raeuz laebbaenz 100 hopbi. Guh ndei gij hong hwngfat ginghci sevei bineix, youq "cibsei q haj" yamq ndei yamq daih' it hawj guek raeuz hwngfat, youqgaenj baenzmaz bae. Yamq daih' it yaek yamq cinj yamq onj, yamq ok yienghsiengq moq, yamq ndae j baenzsaeh moq. Siz Ginbingz vixok, gak gaep

dangjcuiciz caeuq lingjdauj ganbu aeu laemxsim dawzrap, guenj dieg couh dawzrap, guenj dieg dawz ndei rap, guenj dieg rap ndei caez. Gak gaep dangjveij caeuq cwngefuj aeu hengz aen cidu dawzrap guh gak yiengh hong, ndabaiz habngamj, cug caengz ndabaiz dawzrap, doinyoengx gak gaep dangjcuiciz, gak aen bumwnz, gak diuz cansen, gak hangz gak nieb laemxsim guhhong, gag rox okrengz guhsaeh, cauhaeb aenbiengz ndei hawj raeuz angqhoh laeb dangj 100 hopbi. (ciuq Sinhvasze)



Mungzsanh: Bauj Beixnuengx Yauzcuz Hengz Gienzleih Douzbiuq

1 nyied 29 hauh, Mungzsanh Yen Cangzbingz Yauzcuz Yangh Luzbingz Cunh guh cunhveij vuenh gaiq senjgij, 310 lai bouxsenjinmiz douzbiuq senjok doenghbox veijyenz gaiq cunhveij moq. Ndaw doz dwg doengh bouxguhhong senjgij daengz ran coengh bouxgeq bvaij mbouj bienh de hengz gienzleih douzbiuq. (Vangz Swnglinz)

Gvangjsih Cauhlaeb 1639 Aen Danhvei Guhyiengh Minzcuz Doxgiet Baenaj

Ciuq Swcigih Minzcunghveij ok siusik, Gvangjsih aeu aen yisiz cungj nyinh Cunghvaz Minzcuz caezcaemh guh sienqmeh, haenqrengz guh hong aeu cidu baujcanj, hwngfat aenbiengz, doihaeuj gij hong bingzciengz cungj cauhaeb minzcuz doxgiet baenaj de baenzsaeh lailai. Suenq daengz bi' gvaq nienzdae j, Gvangjsih gaenq miz 1639 aen danhvei yienghbanj minzcuz dox-

giet baenaj guekgya, swcigih, si gaep. Duenh "cibsam haj", Gvangjsih ok rengz hung hwngfat yihliuz veiswng h caeuq diyzuz, gyarengz son' gyauq gij vahsaw guekgya doengyungh, gaenxmaenx dajcauh gij binjbaiz conzdungj vwnzva ndei Cunghvaz Minzcuz, mbouj dingzduenh doinyoengx gij hong cauhaeb minzcuz doxgiet baenaj de hwngfat haeujlaeg bae. Guh

hongsaeh hwng bien fouq minz, gij yienhsingz 8 aen yienh henzguek de cungj doeng goengloh ngeih gaep doxhwnj, yanghyangh doeng roen lizcingh (suijniz), mbanjmbanj doeng goengloh, gij cunh henzguek cungj doeng gvanhdai vangjloz. Hwnq baenz 1.03 fanh aen cunh gaep gunghgung fuzvu cunghsinh, 14 aen yienh 2077 aen cunh cungj miz. (Liu Ciyungz)

SIUSIK DINJ

● 1 nyied 28 hauh, ciuq aenhoih lwnh saehmoq youz Swcigih Cwngefuj Sinhvnzban gawjhengz de ok siusik, bi neix Gvangjsih dajsuenq guh 107 yiengh gaijgwz.

(Cauh Goh)

● 1 nyied 28 hauh, ciuq aenhoih sibinz hong gyaudoeng daehyinh daengx gih de ok siusik, bi' gvaq Gvangjsih gungh roengz 1780 ik maenz guh cunghab gyauidungh guding shwcanj douzsw, beij bi' gyai caemh duenh gyalai 34.7%. Ndawde roengz cienzngaenz guh goengloh baez daih' it mauhgvaq 1000 ik maenz, gungh roengz 1334.2 ik maenz, beij bi' gyai caemh duenh gyalai 35.7%; roengz 92.9 ik maenz guh gwnz raemx daehyinh, beij bi' gyai caemh duenh gyalai 54.5%.

(Vuz Libingz)

● 1 nyied 27 hauh, Binhyangz Yen doengh hong guh 10 aen hanghmoeg, gungh roengz ngaenz mauhgvaq 4 ik maenz, nangqdaengz aen hanghmoeg sienqnga guenjvangj hei qdenhyenzgi Gvangjsih, hwnqguh aen hanghmoeg Cwngezveij Muzyez dajciengx mouseng daengj.

(Youz Ginjveij)

● Ciuq Bujbwz Yen Caizcwngez ok siusik, bi' gvaq, aen yienh neix aeu ndae j 435 aen hanghmoeg "it saeh it yaeng" guh hongsaeh ikleih lajmbanj, baudaengz roensuijniz doeng mbanj, giekroen roennamhsa, ciengz dangj namh, giuzcangz daengj, gungh roengz 3672.53 fanh maenz, nangqdaengz 2959.54 fanh cienzngaenz caizcwngez ciengjbouj, baudaengz 251 aen cunhveij 1970 aen mbanj, 34.45 fanh vunz ndae jleih.

(Banh Yinzfungh)